

GJYKATA THEMELORE NË PRISHTINË

Nr.regj.62585/12

GJYKATA THEMELORE, DEPARTAMENTI I PËRGJITHSHËM - DIVIZIONI PËR KUNDËRVAJTJE NË PRISHTINË, me gjyqtaren Anita Nikçi-Morina dhe sekretarja juridike Sevdije Gashi, duke vendosur kundër të pandehurit Bislim Sherif Bislimi nga Prishtina, për kundërvajtje nga neni 5 dhe neni 6 para. 1.1 të Ligjit nr. 04/1-050 për deklarimin, Prejardhjen dhe Kontrollin e Pasurisë të Zyrtarëve të Lartë Publik, dhe Deklarimin Prejardhjen dhe Komtrollimin e Dhuratave për të gjithë Personat Zyrtar e në bazë të nenit 73,74, 195. 198 pika 8 të Ligjit për Kundërvajtje me dt. 12.09.2013 mori këtë.

AKTVENDIM

PEZULLOHET procedura kundërvajtëse kundër të pandehurit Bislim Sherif Bislimi nga Prishtina për veprën kundërvajtëse të paraparë në nenin 5 dhe nenin 6 para. 1.1 të Ligjit nr. 04/1-050 për deklarimin, Prejardhjen dhe Kontrollin e Pasurisë të Zyrtarëve të Lartë Publik, dhe Deklarimin Prejardhjen dhe Komtrollimin e Dhuratave për të gjithë Personat Zyrtar, dhe në bazë të nenit 198 pika 8 të Ligjit për Kundërvajtje nga se i pandehuri nuk ka kryer kundërvajtje që i vihet në barrë.

Shpenzime të procedurës nuk ka pasur.

Nga një kopje të këtij aktvendimi t'i dorëzohet të pandehurit dhe ushtruesit të kërkesës

ARSYETIM

Agjencia Kundër Korrupsionit në Prishtinë i parashtroi kësaj Gjykate kërkesën me numër 01-4256-12 me date 29.11.2012 për fillimin e procedurës kundërvajtëse ndaj të pandehurit të lartëcekur për kundërvajtjen e përshkruar si në dispozitiv të këtij aktvendimi duke kërkuar që i njëjti të shpallet përgjegjës dhe të dënohet sipas Ligjit. Në kërkesë Agjencia Kundër Korrupsionit pretendon se i pandehuri është zyrtarë i lartë publik dhe se i njëjti ka patur për obligim ligjor të deklaroj pasurinë me rastin e marrjes së detyrës brenda afatit prej 30 ditëve nga dita e marrjes së funksionit publik në pajtim me nenin 5 dhe nenin 6 para 1.1 të Ligjit nr. 04/1-050 për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë.

Gjyqtarja filloj procedurën kundërvajtëse me marrjen në pyetje të pandehurit i cili në deklaratën e dhënë pranë Gjykatës theksoi detyrën si Ushtrues Detyre i Klinikës së Biokimisë Mjekësore në Qendrën Klinike Universitare në Prishtinë e ka fituar më 01.10.2012. I pandehuri deklaroi se lidhur me detyrimin ligjor për të deklaruar pasurinë brenda 30 ditëve nga marrja e pozitës në fjalë është njoftuar tek më 16.11.2012 nga zyrtari kontaktues z. Haki Smajli (personi të cilin institucioni ku ai punon e cakton si koordinator i punëve me Agjencinë). I pandehuri në dëshminë e tij dhënë kësaj Gjykate deklaroi se dështimi i personit kontaktues për të informuar lidhur me detyrimet ligjore sipas Ligjit nr. 04/1-050 ka privuar atë nga mundësia për të bërë deklarimin e pasurisë në kohë, në të kundërtën deklaroi se atë detyrim do ta përmbushte në afatën ligjor. I pandehuri ofron dëshmi mbi deklarimin e pasurisë bërë me 23.11.2012, 6 ditë pas pranimit të njoftimit nga personi kontaktues për deklarimin e pasurisë. Me qëllim të vërtetimit të gjendjes faktike, Gjykata ftoi në cilësinë e dëshmitarit z. Haki Smajli (person kontaktues në QKU), i cili në dëshminë dhënë kësaj Gjykate konfirmoi se i pandehuri është informuar me vonesë për detyrimin ligjor të deklarimit të pasurisë sipas Ligjit nr. 04/1-050 me arsyetimin se fillimisht kishte ekzistuar disa paqartësi rreth emërimeve publike të bëra në QKU-së përfshirë këtu edhe emërimin e të pandehurit. Gjykata rikujton detyrimet ligjore të

REPUB. E KOSOVËS	03-2894/13
Dep. DPK/DMP	
Dep. DPK/DMP	
Nr. 02	19.09.2013
Bro. 02	
Nr. p...	

03-2894/13/02
Suz

personit kontaktues në bazë të Ligjit nr. 04/1-050 për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, ku në nenin 4, në mes tjerash, përcaktohet se secili institucion cakton një zyrtar kontaktues i cili duhet të jetë nga Zyra e Personelit, dhe i njëjti njofton zyrtarët e lartë për deklarim të pasurisë. Gjykata vëren se neni 4 duhet parë në lidhshmëri me nenin 7 të Ligjit i cili parasheh se “me fillimin e funksionit, zyrtari i lartë publik deklaron pasurinë ekzistuese, burimin dhe detyrimet brenda afatit tridhjetë (30) ditor”. Rrjedhimisht, Gjykata konstaton se të pandehurit nuk mund ti atribuohet përgjegjësia kundërvajtëse për mosdeklarim me kohë të pasurisë pas marrjes së detyrës publike pasi i njëjti është notifikuar 15 ditë pas afatit të paraparë për deklarimin e pasurisë pas marrjes së detyrës sipas Ligjit Nr. 04/1-050. Gjykata çmon se Ligji Nr. 04/1-050 pëcakton qartë detyrimin ligjor të personit kontaktues për të njohtuar zyrtarisht të gjithë ata zyrtarë të lartë publik për detyrimin ligjor për deklarimin e pasurisë qoftë me marrjen e detyrës, deklarimin e rregullt vjetor deklarimin sipas kërkesë së Agjencisë apo deklarimin pas mbarimit apo shkarkimit nga funksion.

KËSHILLA JURIDIKE: Kundër këtij aktvendimi mund të parashtrorjnë ankesë i pandehuri dhe parashtruesi i kërkesë Gjykatës së Apelit/Divizioni i Kundërvajtjes në Prishtinë në afat prej 8 ditësh pas marrjes së këtij aktvendimi nëpërmes kësaj Gjykate dhe pa taksa.

GJYQTARJA
Anita Nikçi- Morina

